

Aningaaserivinni ileqqaakkat akileraarutitigut oqilisaaffigineqarnissaat pillugu Inatsisartut inatsisaata allannguutissaatut Inatsisartut inatsisaat

§ 1

Aningaaserivinni ileqqaakkat akileraarutitigut oqilisaaffigineqarnissaat pillugu Inatsisartut inatsisaanni nr. 2, 6. maj 1989-imeersumi makku allanngortinneqarput:

1. § 1-imi imm. 3-tut ilanngunneqarpoq:

"*Imm. 3. Ileqqaakkat ilinniagaqarnissamut atorneqarpata, matumani ilinniarnerup Kalaallit Nunaanni avataaniluunniit ingerlanneqarnera apeqquaatinngagu, ajunngitsorsiatut ernialiunneqartut tunniunneqassappataaq akileraaruteqaatasus saanngitsutut.*"

2. § 2-p kingornanut ilanngunneqarpoq:

"**§ 2a.** Siunertanut § 1, imm. 2, nr. 1-imiit 3-mut taaneqartunut ileqqaakkanut landskasse erniatigut tapiissuteqartassaaq.

Imm. 2. Siunertanut imm. 1-imi taaneqartunut ileqqaakkat tunniunneqalerpata, piffissami sumiluunniit ileqqaakkat ukiumut 4 procentiinik ernialerneqartassapput. Erniatigulli tapiissutit akiliinerup siulliup kingornatigut kingusinnerpaamik ukiut 5-t qaangiunnerisigut tunniunneqarunnaassapput, tunniunneqarsinnaassallutillu aatsaat konto sivikinnerpaamik ukiumi ataatsimi pioreers imappat.

Imm. 3. Erniatigut tapiissutit aningaasarsiat akileraaruteqaataasussat naatsorsornerini ilanngunneqassanngillat."

3. § 4, imm. 1-imi allassimasoq "§ 1, imm. 2, nr. 1-imiit 6-imut" allanngortinneqarpoq ima: "§ 1, imm. 2, nr. 1-imiit 6-imut amma imm. 3"

4. § 10-mi allassimasoq "§ 1, imm. 2" allanngortinneqarpoq ima: "§ 1, imm. 2 aamma 3"

§ 2

Inatsisartut inatsisaat 1. januar 1993-imi atuutilissaaq.

Namminersornerullutik Oqartussat, ulloq 30. oktober 1992.

/

Emil Abelsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut